

Prirodno-matematički fakultet Univerziteta u Sarajevu, ul. Zmaja od Bosne 33-35, Sarajevo, Bosna i Hercegovina, zastupan po dekanu, **prof. dr. Rifatu Škrijelju** (u daljem tekstu: Prirodno-matematički fakultet) i *Nacionalni park Una, Bihać*, zastupan po **g. Amarildu Muliću** (Nacionalni park Una) sklopili su:

SPORAZUM

o naučno-istraživačkoj, stručnoj i tehničkoj saradnji

Član 1

Prirodno-matematički fakultet Univerziteta u Sarajevu i Nacionalni park Una, Bihać ostvarit će dugoročnu saradnju u zajedničkim aktivnostima u okviru naučno-istraživačke saradnje, na područjima od zajedničkog interesa.

Član 2

Saradnja Prirodno-matematičkog fakulteta Sarajevo i Nacionalnog parka Una polazi od ideje postojanja zajedničkog prostora u okvirima zaštite prirode, naučne i stručne saradnje, te turističkog, ekonomskog i društvenog razvoja.

PODRUČJE PROGRAMSKE SARADNJE

Član 3

Područja programske saradnje Prirodno-matematičkog fakulteta Sarajevo i Nacionalnog parka Una su:

1. Zaštita prirode
2. Naučna i stručna edukacija
3. Održivi razvoj

Član 4

CILJEVI SARADNJE

Prirodno-matematički fakultet Sarajevo i Nacionalni park Una usaglašeni su da će njihova saradnja biti usmjerena dostizanju slijedećih ciljeva:

I Zaštita prirode

Naučno -istraživački projekti u Nacionalnom parku Una

Mjere za postizanje cilja:

- Organizacija međunarodnih skupova o prirodnim vrijednostima NP Una
- Izrada stručnih podloga
- Podizanje svijesti javnosti o značaju NP Una kao zaštićenog područja sa visokim stepenom biodiverziteta

II Održivi razvoj

Razvoj: (1) održivog turizma uz očuvanje tradicijskih kulturnih vrijednosti, (2) upravljanja šumama na ekološki održiv način uz očuvanje autohtonog biodiverziteta šumskih ekosistema, (3) ekološki orijentirane poljoprivredne proizvodnje uz promociju ekoloških i autohtonih poljoprivrednih proizvoda.

Mjere za postizanja cilja:

- Podsticanje održivog turizma, jačanje ponude za ekoturizam,
- Podsticanje dijaloga sa šumarskim sektorom na očuvanju autohtonih šumskih ekosistema,
- Podrška razvoju seoskih domaćinstava na proizvodnji i očuvanju autohtonih pasmina domaćih životinja i biljnih sorti.

III Promocija i edukacija

1. Promocija NP Una kao međunarodno prepoznatljivog zaštićenog područja
2. Naučna istraživanja u smislu inventarizacije flore, faune i vegetacije
3. Zaštita tipskih lokaliteta
4. Podizanje nivoa znanja lokalnog stanovništva i šire javnosti o vrijednostima i značaju očuvanja NP Una

Mjere za postizanja cilja 1:

- Kartiranje staništa NP Una i obilježavanje prirodnih i kulturno-tradicijskih sadržaja
- Učešće na manifestacijama, sajmovima, prezentacije i promocije NP Una

- Izrada zajedničkog promotivnog materijala i dorada web stranice za NP Una

Mjere za postizanja cilja 2 i 3:

- Kreiranje i implementacija zajedničkog programa individualne i grupne edukacije
- Edukacija studenata, školske djece i omladine
- Edukacija lokalnog stanovništva
- Protupožarna edukacija stanovništva
- Edukacija o prirodnim vrijednostima

ULOGA POTPISNIKA SPORAZUMA

Član 5

Obje strane će u svrhu realizacije ciljeva definisanih ovim Sporazumom o saradnji na raspolaganje staviti postojeće ljudske, tehničke, infrastrukturne i druge resurse te će uspostaviti redovnu komunikaciju i obavješćavanje o napretku u realizaciji.

Strane u dogovoru će vršiti monitoring zajedničkih aktivnosti u cilju postizanja kvalitete planiranih rezultata te uspostavljanja adekvatnih implementacijskih mehanizama.

UKLJUČIVANJE OSTALIH INTERESNIH SKUPINA

Član 6

Strane se slažu da će u aktivnostima koje su predmet ovog Sporazuma prema potrebi i strateškim principima uključiti ostale interesne grupe i usaglasiti aktivnosti sa potrebama istih.

FINANSIJE

Član 8.

Finansijski i organizacijsko-upravni odnosi između Prirodno-matematičkog fakulteta i Nacionalnog parka Una bit će regulirani posebnim ugovorom, vodeći računa o jednakosti i o specifičnim interesima saradničkih ustanova.

Član 9.

Svaka potpisnica Sporazuma će obezbijediti vlastite izvore finansiranja za realizaciju konkretnih oblika saradnje. Ovaj sporazum uključuje i mogućnost finansiranja iz alternativnih izvora, obezbijedenih aktivnošću od strane jednog ili oba potpisnika.

U slučajevima posebno dogovorenih oblika saradnje sa definiranom konstrukcijom finansiranja, potpisnice ovog sporazuma će sačiniti odgovarajući ugovor, koji će obavezno sadržavati sljedeće elemente:

- vrijednost ugovora, načini i izvori finansiranja,
- odgovorni nosioci realizacije ugovora i njihova ovlaštenja,
- tim istraživača i drugih saradnika i studenata koji će učestvovati u realizaciji projekta,
- specifikacija i iznos troškova koje snosi svaka potpisnica ugovora,
- etička i materijalna prava koja proizilaze iz postignutih rezultata,
- način objavljivanja i publiciranja rezultata realizacije ugovorenog projekta.

Član 7

Ovaj sporazum se zaključuje na **neodređeno** vrijeme.

Ovaj Sporazum je sačinjen u četiri (4) istovjetna primjerka i svaka ugovorna strana dobiva po dva (2) primjerka. Sporazum stupa na snagu danom potpisivanja obje strane.

Član 8.


Sporazum se može izmjeniti na osnovu pisanog zahtjeva jedne od strana, a uz saglasnost druge u roku od 30 dana od dana podnošenja zahtjeva.

Eventualni sporovi rješavat će se dogovorom saradničkih institucija.

Prirodno-matematički fakultet
Univerziteta u Sarajevu

Sarajevo: 11.04.2014.

Broj: 01/01-915



Nacionalni park UNA

Bihac

Bihac: 11.04.2014.

Broj: 01-0707/14